

語性玲瓏

又

默地悟時識祖宗邱劉譚馬好家風門中志士聽予勸努力勤
修要始終

丁酉歲中秋沁城寄燕山道眾

燕山已別恰三秋萬丈風波到岸頭更謝眾真憐我老銅川米
麥勝他州

因看子瞻壁間錄偶得一絕

道人兀兀三盃酒禪客昏昏一覺眠似是似非誰可辨勸君休
聽俗家言

道藏輯要

葆光集

三

胃集十

贈馬會首

逢人未話形容老見者先云道德高虛室只宜常自在灰心莫
掛一絲毫

重午日別平遙縣李酒使

寂靜身雲任往來從教世俗有心猜時當重午離仙院滿檻葵
花不見開

答大名府請在路染疾不赴

昔日曾聞師受魔而今傳付老清和前頭無限真遊境不許功
虧得見他

贈牛山